

AKHBAR : BERITA HARIAN

MUKA SURAT : 8

RUANGAN : NASIONAL

Produk kosmetik haram 'dikitar semula'

Ayat pikat pengguna obses wajah putih, gebu

Pengusaha sembunyi kandungan bahan terlarang dalam produk

Oleh Norhafzan Jaafar
nafzan@bh.com.my

Kuala Lumpur: Bahan terlarang seperti merkuri, 'hydroquinone' dan 'tretinoin' sering digunakan dalam sebilangan produk kosmetik, terutama produk pemutih wajah kerana mampu mencerahkan kulit dengan cepat.

Ayat penarik seperti 'kulit sehat dalam masa tujuh hari', 'wajah putih dalam seminggu' atau 'ahsia kulit cantik dan gebu dalam masa singkat', ia memang mampu meyakinkan pengguna yang mengimpikan wajah putih dan gebu.

Penggunaan 'hydroquinone' dan merkuri popular dalam produk kosmetik bagi merawat jejak, pencerahan kulit dan kulit tidak sekata.

Merkuri juga dikatakan untuk iwatani anti penuaan dan ketulan, manakala 'tretinoin' bagi merawat masalah jerawat dan membantu mengurangkan kedua-duanya.



Mungkin pengusaha juga mempunyai keinginan supaya pengguna terus membeli produk mereka.

Siti Fatimah Idris,
Ketua Penolong Pengarah
Kanan Bahagian
Perkhidmatan Farmasi,
Kementerian Kesihatan

Ketua Penolong Pengarah Kanan Bahagian Perkhidmatan Farmasi, Kementerian Kesihatan, Siti Fatimah Idris tidak menolak kemungkinan pengusaha kosmetik menyembunyikan kandungan bahan terlarang ketika mengisyihar kandungan produk kepada Bahagian Regulatori Farmasi Negara (NPRA).

"Peraturan kementerian menetapkan semua syarikat kosmetik melakukan perisyiharan sendiri kepada NPRA untuk mendapatkan notifikasi produk mereka. Ia perlu didaftarkan secara dalam talian menerusi sistem Quest3.

"Sebagai pemilik pastinya me-

reka akan isytihar mengikut apa yang perlu dipatuhi supaya produk mereka berdaftar dan mendapat notifikasi daripada NPRA.

"Bagaimanapun, mungkin pengusaha juga mempunyai keinginan supaya pengguna terus membeli produk mereka. Jadi bila memasarkan produk terbabit, ada yang meletakkan bahan terlarang berkenaan," katanya kepada BH.

Semalam, BH mendedakan setengah pengusaha kosmetik mengeluarkan produk baru dengan sedikit perubahan campuran formula selepas produk lama dilarang dijual kerana me-

ngandungi bahan terlarang, termasuk racun berjadual seperti hydroquinone, merkuri dan tretinoin.

Berdasarkan maklumat di laman web NPRA, sesetengah jenama kosmetik dikesan memiliki produk baharu setiap tahun selepas notifikasi NPRA terhadap produk terdahulu dibatalkan kerana isu campur palsu atau mengandungi racun berjadual.

Siti Fatimah menjelaskan, kementerian sentiasa proaktif dan telus dalam menjalankan aktiviti penguatkuasaan bagi memastikan produk kosmetik di pasaran adalah bernotifikasi dan selamat digunakan.

Namun, katanya, nombor notifikasi bukan mandatori dinyatakan pada bungkusan produk, tetapi pengguna boleh melakukan semakan di laman web NPRA untuk mengesahkan produk dibeli bebas daripada bahan terlarang.

"Bahagian Perkhidmatan Farmasi terus meningkatkan pemantauan terhadap syarikat yang memegang notifikasi kosmetik bagi memastikan mereka mematuhi undang-undang secara berterusan."

"Tumpuan kami adalah terhadap produk kosmetik yang sering dicampur palsu terutama yang didakwa mampu memutihkan kulit dan sebagainya," katanya.